

晚晴簃詩匯

第七七冊

晚晴翁詩集

卷七

晚晴移詩匯卷一百九十目錄

閨秀

那遜蘭保

七首

盧德儀

十七首

吳茝

二十七首

王采蘋

十首

朱保詰

一首

嚴永華

四十九首

嚴徵華

五首

郭筠

十首

何慧生

九首

鄧瑜

十四首

朱清遠

八首

趙純碧

三首

儲慧

三首

龔靜儀

三首

張瑞清

一首

馮蘭

一首

邵匹蘭

一首

姚玉芝

三首

王珍

二首

梁靄

十七首

王

王

王

王

王

王

王

王

王

王

王

王

晚晴移詩匯卷一百九十

閨秀

徐世昌

那遜蘭保博爾濟吉特氏字蓮友蒙古旗人自署喀爾喀部落女史宗室副都御史恆恩室祭酒盛昱母有芸香館遺詩

詩話博爾濟吉特夫人七歲入家塾十二能詩十五通五經十七歸兩亭副憲以賢孝稱中歲喜讀有用書及同治丙寅副憲逝世遂絕不爲詩癸酉歿後子伯義祭酒取手鈔本益以搜輯所得共九十二首編爲二卷李越縵爲之序

成趣園夜坐

林壑杳以深拂石坐忘冷涼月不親人孤松轉清影

游西山

清晨駕巾車日晡到山腳頓簾不辭勞山靈如有約轉路

明詩集卷之二
入煙霞回頭隔城郭危磴雜松楸遠寺聞鐘鐸孤青表遙
峯萬綠爭一壑行行下筍輿徑窄步引卻還與叩僧寮荒
荒紅日落

我愛祕魔厓怪石高撐天復愛寶珠洞下瞰及平田快哉
御風行頃刻如登仙探幽及窮僻選勝防人先所愧腰腳
劣呼婢相引牽夾路椽實厚嵌石孤花鮮流連劇忘歸峯
峯凝暮煙

宿大覺寺

十畝松陰滿寺涼一條瀑布界山光峯巒青逼衣裳冷鐙
火紅盤棧路長時有微香來佛座偶聞孤磬出僧房游人
對坐渾無睡明日登山禮佛忙

瀛俊二兄奉使庫倫故吾家也送行之日率成此詩

四歲來京師卅載辭故鄉故鄉在何所塞北雲茫茫成吉
有遺譜庫倫餘故疆彎弧十萬眾天驕自古強夕宿便甌
幕朝餐甘湏漿幸逢大一統中外無邊防帶刀入宿衛列
爵襲冠裳自笑閨閣質早易時世妝無夢到鞍馬有意工
文章綠窗事粉黛紅鐙勤縹緲華夷隔風氣故國爲殊方
問以啁哳語遜謝稱全忘我兄承使命將歸畫錦堂乃作
異域視舉家心徬徨我獨有一言臨行奉離觴天子守四
夷原爲捍要荒近聞頗柔懦醇俗醺其常所愧非男兒歸
願無由償冀兄加振厲舊業須重光勿爲兒女泣相對徒
悲傷

謝張孟緹夫人辱題小照卽贈

閨閣論才子當今第一人我生猶未晚塵海暫相親鰕菜

江南夢鶯花上國春層樓高寫韻悵望每凝神

庚申冬寄外時在灤陽

漫道相思苦從悲行路難烽煙三輔近風雪一裘寒去住都無信浮沈奈此官親裁三百字替竹報平安

盧德儀字儷蘭一字梅鄰黃巖人舉人填女孫肅炆女

同縣王維齡室同治庚午舉人太常寺少卿彥威諸

生彥徵通判彥載彥武彥哉母有焦尾閣遺橐

詩話張甫太常曩爲余言太夫人懿行有可紀者太夫人早慧通五經大義旁及文史于歸後以賢孝聞鄉里家事之暇則伉儷以詩唱和性愛花木尤酷嗜蘭遍種盆盎夜月皎潔移置庭中高下參差位置曲當扶翁姑坐花前擷其英浸以蜜淪新水獻諸二老諸兒出就外傳入復其所業有未解條晰縷辨徹夜不倦翁歿數載奉姑避寇山中諸兒負米返先潔膳進姑以次及長幼已獨餐著蔬或以薄糜和麥屑就闇中食不令姑知也寇退得歸以勞悴卒所作詩多散佚旣卒其家蒐輯成一卷焦尾蓋亂後自署閣名

也又有焦尾閣脞錄二卷正氣集四卷均佚張文襄
爲題秋鐙課詩圖云早作緹縈後乳姑膳耕斷杼一
身俱灑將東野三春淚染作更生列女圖翦綴鍼停
夜漏遲霜檐情味短繁知杜陵驥子應慙羨只誦翁
詩欠母詩不愁明鏡朱顏老但恐高堂白髮生此語
能教眞宰泣掃除風格與才情賃庶能貧少詠篇九
熊終是太平年鄭州看月都含淚貞苦何人似母賢
夢隨寶墨落江湖孝至神通信不誣何異壽昌重見
母豈惟合浦得還珠先朝錢老近瞿公世澤天
顯動九重欲補一行黃絹字祝君八座紫泥封

月下讀唐人詩悠然有悟

幾卷唐詩手自娛不須箋傳苦紛拏有時悟到忘言處明
月梨花澹欲無

寄大弟温州

到今猶未賦還家時節恁恁易歲華增我懷思宵半月滯
人歸夢客邊花終非故土情何戀便不天涯路已賒可識
嚴親懸望苦也應窮巷賦回車

秋夜課廉兒讀詩

良宵閒雅與詩宜
清課從頭莫告疲
矮屋數椽燈一點
我家喜有讀書兒

莫春偶成寄妹

雨絲風片作春寒
寂寞深閨自掩關
瘦盡梨花飛盡絮
從卿商略莫憑闌

和夫子游委羽山詩

危峰縹緲矗雲間
薄霧初開路幾灣
清磬一聲聲破曉
閒花如雨下春山

神仙曾此盪精靈

元時劉奉林煉丹於此今土人采山時得方石色黝而有光相傳爲丹鼎之遺

山水爲緣感夙因
鶴自翩翩梅自瘦
教儂無福作閒人

出城

最佳風日是新晴
隨意梳妝趁曉行
薄霧濛濛天欲白
流鶯聲裏出春城

春日

繡餘無事且徘徊
庭院沈沈長綠苔
一桁垂簾春晝永
桃花如雪燕飛來

聞雁

孤雁一聲語秋心
暗裏知衡陽歸有路
憐我竟何之

避亂感懷

不堪思往事涕淚一
潸然遭亂又今日
浮生已卅年
傍人秋後燕淒我
雨中鵲所幸慈姑
健猶爲喜自天

避亂石磬灘聲作橫徹夜不寐感賦一章

干戈滿地欲何之
窮谷藏身歲已遲
徹夜灘聲眠不得
似

爲羈客寫愁思

避兵五部已彌歲矣長至祀先愴然有感

幾甌麥飯幾盃茶奠向荒郊淚轉加爲告諸姑兼伯叔也
應憐我是無家

冬夜偶成

朔風吹雪鐙光冷茅屋蕭然四壁靜避人疆起理寒衣撫
事淒涼心耿耿憶昨宛轉深閨時春風澹冶花弄姿買秋
延夏日搜討花裏浮生聊自怡浮生樂事浮雲幻轉瞬年
華易燕雁世事滄桑不忍聞回首烽煙嗟歲晏歲晏荒寒
仍若斯茫茫天意有誰知窮谷猶傳猿鶴警親遭兵燹將
焉之將焉之傷別離君不見矮屋團欒日猶勝圍城叫苦
時

春草

春色渺無寄春心無處藏昨宵微雨過一綫草痕長泥潤
看成活風過別有香天涯羈旅客爲爾更思鄉

看花

兩載干戈避荒邨暫住家流年眞潦草此日飽看花作色
香逾媚無言態欲斜於君倍鄭重幾忘在天涯

回首

憶昨避亂時嚴冬疆就道風塵猿鶴驚寄廡何草草雖曰
非家鄉安居亦大好誰知彌月間入山恐不早爨火斷無
溫雪冷前山皓浮生四十年兩度干戈擾生恐憂患多朱
顏不自保回首望高堂淒然已垂老

閒閒上高樓山遠樓與齊綠竹罩春靄子規啼復啼有時

微雨過芳草何萋萋耕夫荷鋤來款款晴一犁風景豈不
佳所傷客邸棲回首望家園嗟哉雲與泥

吳茝字珮纓一字紉之吳縣人汪鍾霖嗣母有佩秋閣

詩藁

詩話珮纓家鄧尉山南幼慧嗜讀日手一編寒暑不輟歸汪氏七月而寡其詩卷初名聊生草兼工駢體文有擬鮑明遠蕪城賦清河雙貞傳徵題佩秋閣圖詩啟池上草堂消寒圖跋附刻詩藁後
積雨連旬秋意蕭然握管書此

官柳河橋煙雨深刁騷愁緒幾消沈懷沙空墮靈均淚失
路重悲廣武吟遙夜魂歸風鐸語虛廊人去石苔侵殘山
榎觸餘生恨落葉疎林黯暮陰

雜詩

秋風從西來吹我庭中樹豈無輝煌姿零落已非故昔年

花滿枝春日迎和煦
薜華易朝夕儵忽變秋暮
如何繁華子同此委霜露

招搖猶在北明河
影西沈徬徨下前除
清風吹衣襟露蛩棲
衰草華月明高林
流光入虛室照我素
絃琴大雅不可作
抗節自哀吟

木落波始寒
雲山互重掩
黃葉滿村居
歸鴉沒殘點
平野迴寒蕪
寥寥秋懷澹
閉關窮林中
犖确畏徑險
賢達與蠢愚
何者且知勉
盛年各有待
努力貴自勉

夏日雜興

荷葉何田田
白蘋更冉冉
詩人義同采
託興初不辨
詎知其本殊
出處亦相反
荷葉自有根
蘋迺隨波轉
飄泊旣靡定
流蕩復忘返
所以臭味殊
割席有華管

猛雨過惡木森森有餘陰憔悴所不息亮哉志士心天道
自迤邐矧茲白日駸登高一以眺浮雲蔽遙岑猗嗟心怫
鬱寫我刺促吟刺促歌終竭向風聊開襟

秋窗夜課風雨鳴檐百端交集淒然成詠

竟夕吟未已翛然對短檠無家成濩落有夢未分明秋老
江湖色風高聲鼓聲殘篇空自檢幽恨總難平

讀罷江南賦傷心淚不乾孤蹤愁蟹負三徙困鵬搏雨暗
蛩音細宵分客夢殘獨憐身世淺零露未成餐

西風動禾黍敗葉墮梧楸空寄蜉蝣世難尋麟鳳洲煩憂
傷擁樹多難怕登樓悵恍重泉杳孤魂何處求

回首殊風景驚心感奈何關山馳羽檄荆棘沒銅駝變徵
吳歎促幽憂杞國多寒窗鐙欲燼詩思儘蹉跎

佩秋閣同諸姊夜坐賦贈歸廬江氏仲姊

頻年踪跡感難知，殘竹哀絲又一時。
斜月簾鉤風弄影，小窗鐙火夜填詞。
兵戈聚首良非易，涕淚餘生最可悲。
太息蘋蘩勞悴甚，爲君重賦碩人詩。

西巖訪桂不果後十日鳳岡登眺并尋山中古蹟

太白仙人不可作，卧游廬嶽圖龍眠。
一邱一壑放神志，赤松之游吾虛焉。
秋風叢桂花徒發，竭來招隱窮危巔。
餐芝朝漱鐘山液，拄杖西笑峨嵋仙。
雲物幻變萬峯頂，排空直上凌紫煙。
瀑布琤潺琴筑響，崖嶂合沓梯棧懸。
選石危坐滌塵慮，春芽手裏烹山泉。
夕陽西下葉滿寺，暮雲明滅爭秋妍。
陂陀犖确尋古徑，巖穴別見開洞天。
古墓不歸華表鶴，殘碑剝落藤糾纏。
洞陰狡獪閱日月，采薇寂寞三百年。